

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127-0-Su-26-000057-6
Banovići, 13.02.2026.godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije BiH” broj: 38/05, 22/06, 63/10, 72/10, 7/13, 52/14 i 85/21) i člana 69.stav (2) tačka d) a u vezi člana 28., člana 70. stav 1. i 4. Zakona o javnim nabavkama („Službeni glasnik BiH” broj: 39/14, 59/22 i 50/24), u postupku javne nabavke roba „Nabavka isporuke toplotne energije” putem Pregovaračkog postupka bez objave obavještenja, predsjednica Općinskog suda u Banovićima donosi:

O D L U K U
o poništenju postupka javne nabavke

Član 1.

Poništava se postupak javne nabavke pokrenut putem Pregovaračkog postupka bez objave obavještenja za nabavku roba „Nabavka isporuke toplotne energije”, JRJN: 09323000-9 (Gradsko grijanje).

Član 2.

Ova odluka stupa na snagu danom donošenja.

Član 3.

Ova odluka objavit će se na službenoj web-stranici ovog suda istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i članu 71.stav 1. Zakona o javnim nabavkama („Službeni glasnik BiH” broj: 39/14, 59/22 i 50/24).

O b r a z l o ž e n j e

Na osnovu Odluke predsjednice Općinskog suda u Banovićima broj: 127-0-Su-26-000057 od 22.01.2026.godine pokrenut je postupak javne nabavke roba „Nabavka isporuke toplotne energije” putem Pregovaračkog postupka bez objave obavještenja.

Procjenjena vrijednost javne nabavke, bez uračunatog PDV-a iznosila je 30.000,00 KM, a postupak javne nabavke se provodi po kriteriju najniže cijene.

Informacija o pregovaračkom postupku bez objave obavještenja o nabavci objavljena je na portalu javnih nabavki dana 27.01.2026.godine, pod brojem 462-4-1-6-20-1/26.

Komisija za javnu nabavku roba imenovana rješenjem predsjednice suda broj: 127-0-Su-26-000057-1 od 22.01.2026.godine blagovremeno i pravilno je izvršila otvaranje ponuda i ocjenu prispjelih ponuda o čemu je sačinila Zapisnik o rezultatu pretkvalifikacije kandidata u pregovaračkom postupku javne nabavke bez obavještenja broj: 127-0-Su-26-000057-4 od 12.02.2026.godine u kome je utvrđeno sljedeće:

- da je ukupan broj pristiglih ponuda: 1 (jedna) ponuda i to ponuđača
- 1. Javno preduzeće „TOPLANA“ d.o.o. Banovići, Željeznička bb, 75290 Banovići (datum predaje ponude: 12.02.2026.godine, vrijeme predaje ponude: 09:20h);
- da je pristigla ponuda blagovremena;
- da je ponuda ocijenjena neprihvatljivom i
- da je Komisija predsjednici suda dostavila Preporuku za poništenje predmetnog postupka javne nabavke iz razloga što nijedna od primljenih ponuda nije prihvatljiva.

Prispjela ponuda ocijenjena je neprihvatljivom iz razloga kako slijedi:

1. Ponuđač Javno preduzeće „TOPLANA“ d.o.o. Banovići dostavio je Zahtjev za učešće i ostalu traženu dokumentaciju prema tenderskoj dokumentaciji za javnu nabavku roba „Nabavka isporuke toplotne energije“ Pregovarački postupak bez objave obavještenja ali je pregledom dostavljene dokumentacije utvrđeno da su Obrazac za dostavljanje zahtjeva za učešće – prijava kandidata (Aneks 1.1), Izjava kandidata o ispunjavanju svih kvalifikacionih uslova, Izjava o ispunjenosti uslova iz člana 45. stav (1) tačka od a) do d) Zakona o javnim nabavkama („Službeni glasnik BiH“ broj: 39/14, 59/22 i 50/24) (Aneks 1.2), Izjava iz člana 52 Zakona o javnim nabavkama (Aneks 1.3) potpisani od strane v.d. direktora Javnog preduzeća „TOPLANA“ d.o.o. Banovići dok je u Aktuelnom izvodu iz sudskog registra Općinskog suda u Tuzli od 16.01.2026.godine kao lice ovlašteno za zastupanje subjekta upisa navedeno drugo lice kao direktor, te da nije dostavljen akt o imenovanju da je lice koje je potpisalo navedene dokumente imenovano za v.d. direktora ponuđača ili odgovarajući aktuelni izvod iz sudskog registra iz kojeg je vidljivo ovlaštenje za potpis.

Zbog utvrđenog nedostatka ova Ponuda je ocijenjena kao nepotpuna i neispravna i odbačena je kao neprihvatljiva. Pravni osnov za poništenje postupka javne nabavke prema Preporuci komisije za javne nabavke sadržan je u članu 69. stav 2. tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24) tj. **iz razloga što nijedna od primljenih ponuda nije prihvatljiva.**

U postupku ocjene provedenog postupka, ovaj organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je preporuka o poništenju postupka javne nabavke donesena na osnovu razloga propisanih Zakonom o javnim nabavkama.

Na osnovu svega navedenog odlučeno je kao u dispozitivu ove odluke.

POUKA O PRAVNOM LIJEKU: Protiv ove Odluke dopuštena je žalba u pisanoj formi. Žalba se izjavljuje Uredu za razmatranje žalbi putem ugovornog organa u roku od 10 (deset) dana od dana prijema Odluke. Žalba se dostavlja u dovoljnom broju primjeraka u pisanoj formi direktno ili preporučenom poštanskom pošiljkom na adresu Općinskog suda u Banovićima, ulica Alije Izetbegovića bb, 75290 Banovići.

DOSTAVITI:

- 1x Ponuđačima koji su učestvovali u postupku JN
- 1x U spis.

